

隨州志卷五

水

隨水南條原於大洪北條發於胎簪縈迴貫注環繞城隅洋洋一巨津也然安流順軌由湏以達漢者有津潤之利無積淹之虞生斯土者宜飲水而思源也

湏水出大洪山西北二十里娥皇洞流泉自洞中出東北流十里逕雙河集左出爲澗水西流入鍾祥縣湏水東北二十里逕茅茨畷小湏水自洪沙河西流與合小湏水出大洪山西北大竹園鴛鴦河二水合流西北行二

隨州志

卷五

水

二四

十里逕穿洞又西合懸鉤嶺西來之水折而東至洪沙河入大湏水卽水經注所云石水東北流注入湏謂之小湏水亂流東北逕上唐縣故城南是也縣當在今澧潭之北又北逕澧潭店西折而東渠流澧曲故稱澧潭南逕嵩山寺北爲澧潭南合支水支水出大浪山東流至此水經注枝水亦出大洪山東流注於湏是也東南逕安居左合澇水左傳除道梁澇卽此又東逕長慶堡南合藥山水又東南二十里逕均河口東合均水又東逕湏陰亭又東逕城西木瓜園合澗水遶州城南卽隨

城山也又東南逕望城崗又東南逕浙河鎮合小浙河水卽古漂水也又東南逕獅子潭潭上有獅子巖對岸有繡毬墩水至此左合守溪水又東南逕雲潭合雲潭水又東南逕應山縣平林市南流入安陸境至漢川入漢水

按澗水出大洪山之北麓名泉數十泓而長岡店與三眼泉爲正源長岡店水上源東出舍身巖北西出懸鉤山北分流至長河匯爲一溪北流至長岡店沿溪沮洳無數泉源北流至穿洞茯苓窩左右泉注之西折合三

眼泉水其水上源出雙門洞曰南泉南風盛則水亦盛也西北流出三里峽至下坪有泉三泓名三眼泉中池徑二二三丈淵然莫測清澈見底與南泉合流東北至穿洞會長岡店水北流至三聖菴經茅茨畷洪沙河西與小澗水會其水源出娥皇洞亦名石水泉自洞中流出東北逕雙河店又東北至茅茨畷西又北東至石牛河入大澗水水經注石水東北流注於澗謂之小澗水是也北流逕濃潭南流逕嵩山寺北爲澁潭大浪山水東北來注又東南至安居店砦河澇水入焉南合藥山東

出之水又東南至均河口均水注之又東逕湏陰亭州城木瓜園湏水入焉又東南流逕隨城山浙河鎮合小浙河水卽古漂水也紀湏水者郡志謂其源於黑龍池不知黑龍池在山陰之東乃均水所源湏水則源於山陰之西也應城縣志謂湏水源於洪山之黃仙洞不知洞在洪山之南爲敖水所出湏實源於洪山之北也州志以出於娥皇洞逕雙河茅茨畷者爲大湏水以出於山麓大竹園鴛鴦河者爲小湏水石水並誤

澗水出雙河西二十里之大戴紫山西北陡溝柳樹溝等

隨州志

卷五

水

二六

處逕迤十餘里東逕王家坑又十餘里過烏龜頸迴環至迎水寺合娥皇洞所出之小湏水再十餘里至茅茨畷合洪山所出之大湏水

富水出州西南一百三十里大洪山水出山之左南流逕小佛街東南入京山縣境水經注謂之小富水小富水出大陽山之東南流逕三王城屈而西南流右合大富水大富水出大陽山之南西南逕杜城西又東南入湏今謂之撞河明史地理志京山縣東有撞河自隨州流入或謂之富水今俗譌作春河

按富水出洪山之白龍池一統志載鄭毅夫夢化爲龍浴於大洪山之南池卽此池也東逕龍鬪巖劍口得洗鉢泉東南流入京山縣境繞瀑平巖金剛坡白巖山得潮水泉水出金子山又東逕鴛鴦河霍口又東南逕羅漢嶺五臺山又東逕大陽山南之大河頭南北谿澗旁貫其流浸大是爲大富水又東南過潭濱河口霍河口與小富水會小富水出於牛角尖之南碑記坡泉從石罅涌出土人謂之暴水泉東南逕應河畷至出山店花山坑水注之又東南至小富街得天生堰水又東南逕

隨州志

卷五

水

二七

大陽山東至青鷲口大陽山之泉自西南來注又東南歷沙子畷至霍河口入於大富水是爲富水河又名撞河以與霍流交撞也水經注謂其出於大陽山不知係富水之所經非源之所自也舊志僅援水經注爲証殊失考核

漳水出州西南九十里十九山東南流逕任家畷又東南逕紫溪村入安陸縣境水經注漳水出土山南逕隋郡平林縣故城西俗謂之將陂城與新市縣接界又南流右入富水

按水經注漳水入富不入潁今此水入安陸爲官渡河至漳口入潁水與酈注不合然沈括筆談云水清濁相揉者爲漳漳與潁合流色如蠐螬十里方混故曰漳則漳水於宋時卽已入潁是川流改道湖廣通志載漳水在州東三里今州東三里外無水以應之

舊志

按漳水出洪山麓之東泉興寺有泉出巖石間名三鼎泉東流至王家城六甲廟周家橋又東逕柳林河雞冠山水注之東逕廣福寺伍家畝又東南至兩河口棗樹堖等處之水逕周店來注又東南合古城畝水水出十

隨州志

卷五

水

二八

九山流逕古城畝至兩河口與泉興寺水合逕聖場東南流入安陸縣界逕京山縣之平埧鎮又東南逕金鐘陳子垵東流至應城縣之楊家河東出漳口入潁

暖水出洪山西北湯池寺前池廣半畝水性常溫明知州李充嗣構亭其上顏曰溫泉其流伏行北入潁水

冷泉水出湯池寺右東流逕新陽店又東北十五里至洪山河下入潁

藥山水出藥山丫角寺東西有兩泉其東泉東流五里逕兩河口二十里至安居其西泉東流二十里逕湯家畝

安居同入於湏

均水出州西七十里佛兒嶺西上源自洪山黑龍池來東
逕四聖菴師古塔東北與雙泉水會又北逕下里畝佛
兒嶺又東十五里逕尙家店南又東逕土山北又東合
五港水水源亦出洪山澗流屈曲東北逕靈泉山支分
五港又東北逕土山北入均水東北至百四畝折而東
南流至均河口入湏

按均水出洪山之黑龍池及東莊畝之雙泉黑龍池滙
左右谿谷之水東逕四聖菴又東北逕聶河之龜山出

隨州志

卷五

水

二九

陰河坑東至於土門折而南合師古塔水水出狼頭砦
東流逕師古墟之龜山合萬家坪水屈曲而西與黑龍
池水合逕許家河又東北與雙泉水會雙泉發源鶴子
嶺下師古墟之左至東莊畝雙泉沸騰流東北里許至
青龍菴沿河坑水西來注之又東北至老屋河觀音洞
西北之水注之又東北至響水灘與黑龍池水合又東
北至下流畝合三里岡南來之水北逕佛兒嶺西北又
北東至尙家店佛兒嶺澗谷之水新集西北之水皆注
之又東逕土山北合五港水流逕均川店至百四畝折

而東流至均河口入湏

浪水一出州南七十里大猿山俗稱紫山一出州西南土山源於紫山者北逕珠寶山西北逕巫山折而東逕君子山北又東合三河水又東逕清水寺又東北至光化舖南入湏源於土山者東逕柳林店又東合羅家河水兩河水兩河源出王家店北東流至此合柳林水東至三河口合水口廟水又東南入浪水同入於湏

澇水出州西北一百六十里雞鳴山水經注澇水出隨縣西北黃山今黃山無可考或卽以雞鳴當之但注言在

隨州志

卷五

水

三十

隨縣西北則不宜遠至一百六十里今雞鳴山地當已入湏西縣注言黃山者猶淮稱胎簪夏書僅言自桐柏也西南流合嶧嶧山卽栲水嶧嶧流泉四注西入棗陽東入湏其南則入澇故舊志亦稱澇水出栲栳山也東南流逕唐家店合魯城河水又南流逕萬福店東又南逕唐縣鎮西卽後魏湏西縣也又南至澇河畝折而東屈曲從西南行逕孤山冲西梁於此置下澇戍又西南逕新河家店又西南逕老河家店又南逕長慶堡入湏魯城河水出雞鳴山南逕大悲寺又西逕羅漢寺東合九

曲泉水九曲泉出蔣家山南行水旁多修篁古柏鬱然
幽徑西南逕卧雲砦又南逕魯城寺寺前有魯王冢湖
廣通志謂魯肅築城於此按吳志肅未嘗封王冢前多
築堰蓄水稱二十四處蓮花堰又西南逕唐家店合鐵
山水鐵山水出本山七泉涌注西南流至此合入澁水
灑水出州北一百八十里太白山水經注吕忱曰水在義
陽今太白實晉義陽地水南合合河水北出關子嶺南
逕合河店折而東逕岡頭店東又屈曲東南流十餘里
折而西南至剛家河合天河口水又西南倒峽林水入

隨州志

卷五

水

三一

焉倒峽水出栲栳山左統諸泉水東南流逕水晶溝東
南入灑水又西南逕劉家河又南逕厲山店南會三道
河水又南逕土橋阪東合土橋水土橋水出紫城山西
流屈曲流六十餘里逕橋下北有潭廣二畝許中有七
泉泉深叵測涌溢津津注近村俱賴其灌溉南入灑水又
南逕迴龍店西又西南逕州城西爲浮纓河俗傳劉太
保渡水落纓然太保何人莫可考又南至木瓜園入澗
水

按水經注灑水入澁今灑水下流與澁水相隔四十里

其間岡阜相連無相入之理不知酈氏所云何與地勢不合豈澇既入潰後澇潰互稱耶

舊志

按大白山東北水爲淮源由桐柏歸信陽西北水入平氏南面水由隨之新城北流界牌口合平氏水至唐河其四面之水並無一流南入於灑灑水實出自固城山

之陽

太白山東行三十餘里爲放馬廠復南行數里結此山

南流至劉家岡前合

冠子嶺由合河所出水至萬合店與七尖峯水會逕青苔又東南同倒峽流水折入王家河其沙河店之水出自花叉溝洞兒溝等處至潭子河合四十里衝水始逕

隨州志

卷五

水

三二

岡頭店復南由人和店劉家河剛家河合天河口水會王家河水歸厲山

天河口水出玉皇頂石泉下注逕明木冲稍東逕西草店折而西南流二十餘里至剛家河入灑

按天河口水出自田下山頂之龍潭河其潭飛瀑如從天下因名天河口逕兩河口合林園寺水屈曲西流南折十餘里至天河口逕西澤店南下西折二十餘里至劉家河會人和店水至剛家河入灑

孫家砦水逕明木冲出會玉皇頂石泉下注南流東折至

馬家堂合忤水關水南流至殷家店入朱家店水逕高城東嶽廟塔兒灣老店入吳家店水至小浙河入湏忤水關水在東北一百五十里其水逆流故名

按忤水關南面之水逕二郎廟馬家堂至殷家店北面之水逕柳肥河至二道河入游

龍陂山水出嶽嶠山水晶溝西南逕華寶山折而東合鳳凰隄水其水出歷山東逕鳳凰隄南流至全河店合龍陂堰水爲三道河又西逕上市店南入湏

合溪出州北三十里紫城山其始細注曲折南逕小北門

隨州志

卷五

水

三三

外礮山諸水出高家橋西來合之溪至此始廣每水漲溢入濠爲患明成化十五年判官孫益百戶張瑄朱元等築隄溪上以防內溢起自霖雨門至歲豐橋長五十
七丈溪水又南逕出魚口入湏

漂水出州東北一百四十里螺螄山南流逕朱家店東屈而西逕殷家店右合鸚鵡山南來之水西南逕戎家店又西南逕高城南逕雷家臺戴家畝塔兒灣其東北里許有蓮花堰中多蓮花又南合巖子河水又西南逕龍鬪灣老龍隄自此而下爲五陂河曰接水陂鳳陽陂珠

龍陂溝陂桃花陂各周數百步春夏水漲游衍蓄儲賴以灌溉又南有鯉陂多產小鯉西有平陂水皆東注地名五歸蕩言五陂水所歸也東入漂水

巖子河源自應山縣南流屈而東迴環爲月兒灣西逕雙河店其東里許有古墓廣一畝高二丈餘舊有四門今存其一冢上有磚塔今圯不知爲何人墓也又西入漂水

按漂水見五代志平林縣下水經無漂水而有濇水云濇水出平春縣西注云濇水北出大義山南流逕厲鄉

隨州志

卷五

水

三四

西賜水入焉水源東出大紫山分爲二水一水西逕厲鄉南水南有重山卽烈山也又西南入於濇卽厲水也賜厲聲相近宜爲厲水一水出義鄉西南入注濇濇水又逕隨縣入安陸也則考古濇水當自殷家店以上南接今之漂水直下至龍鬪河似是古濇故道但殷家店以上皆是山澗小水不可以爲濇水正源古大義山亦無可考其下流西南至小淅河入澗則亦與酈注入隨注安陸之文不合今朱家店西有一水源出二眉山楓香均南流逕馬平港南入澗則已在古安陸境故湖廣

通志亦以馬平港爲濇水然馬平港自受應山漢東大洪兩河之水楓香坳水旣非其正源又不能上接龍鬪河之水亦不可以爲濇經流也蓋水道不能歷久不改隨境東南少山陂塘交錯濇水故道不可復尋湖廣通志於應山安陸縣下俱載濇水亦未深考矣

舊志

今漂水自朱家店西逕殷家店南厲山神農洞又在其南當卽是古之賜水其水所出之螺螭山當卽是古大紫山其別出義鄉入隨注濇之水雖無可考然巖子河自東來至塔兒灣合漂水疑爲其故道惟上流不從螺

隨州志

卷五

水

三五

螭山分支與酈注不合

守溪水出州東三十五里兩仙山自山下龍池南流逕舒家河又南流十里逕顏家鋪又南十里爲守溪又西流十里逕天緣橋又西南十里至獅子潭入湏水

義水出鸚鵡山西北流逕忤水關合諸山澗水又東北逕二道河入游

游水出州東北一百七十里田上山東北逕二道河爲游溪合義水游溪水又東北逕王子城又北逕小林店合祖師頂北來水又東北至三里岡入淮按水經注油水

出平春縣西南油溪東北流今游水當卽是油溪水
九渡水出州北百九十里九龍山水經注九渡水出雞翅
山礮澗濼委沿溯九渡故謂之九渡焉今水東北流屈
曲逕出山店左右澗流爭注又北逕龍潭河合白水崖
水水經注云游溪之東有一水發自椒山下數丈素湍
直注頽波委壑可數百丈望之若霏下流注九渡水卽
此水也又北至淮河店北入淮

聖水河出栲栳山

浮纓河在州西一里昔劉太保領兵渡此落冠纓於水故

隨州志

卷五

水

三六

名

扶恭河出州城北栲栳山經倒峽林會瀲水過浮纓河入

澗